

Stipendije za 132 romska učenika i studenta

Nastavak saradnje Udruženja
Obrazovanje gradi BiH i fonda
Otvoreno društvo BiH kojem se
pridružilo 11 donatora



Udruženje Obrazovanje gradi BiH dodijelilo je nove stipendije učenicima i studentima za školsku/akademsku 2018/2019. godinu, a kako je kazao Mehmed Agić, menadžer projekta S obrazovanjem u budućnost, stipendiju su ovaj put dobila i 132 romska učenika i studenta.

- Ovo je nastavak dugogodišnje saradnje Udruženja Obrazovanje gradi BiH i fonda Otvoreno društvo BiH kojem se pridružilo još 11 donatora i to je rezultiralo sa dosadašnje 1.622 godišnje stipendije, od kojih je 150 stipendija za romske studente i učenike, kazao je Agić.

Osman Zukić iz fonda Otvoreno društvo BiH istakao je kako je projekt stipendiranja

romskih učenika i studenata započeo s ciljem da se oni podrže i ohrabre da prihvate obrazovanje i da rade na njemu kako bi sebi omogućili bolji status u društvu i bolji život. U daljem radu treba im i pomoć države.

Selma Zahirović, koja je ove godine upisala Fakultet političkih nauka u Sarajevu, devet godina dobija ovu stipendiju, a kaže kako joj ona mnogo pomaže u školovanju.

- Stipendije dobijamo deset mjeseci u godini. Sada je to po principu svaka dva mjeseca po 200 KM, kazala je.

M. P.

Oslobođenje